



A tuts geniturs  
dallas scolaras e dils scolars dalla Scola Breil

Danis, igl 1.9.2020

## Simtoms levs da malsogna el temps da SARS-CoV-2 – Co agir?

Preziai geniturs

Ina damonda che setschenta en connex cul virus SARS-Cov-2 ei co ins duei secuntener sch'ils affons muossan simtoms da malsogna levs da cunauras, tuos, inflammaziuns, etc., simtoms che savessen denton era esser indicaturs per la malsogna COVID19. Quella damonda co reagir setschenta aschibein per Vus geniturs, sco era per la scola sche affons vegnan all'instrucziun cun tals simtoms.

### Ei duei valer il suandont:

- Sclaras e scolars tochen e cun la 4. classa primara che han simtoms sco cunauras, inflammaziuns, tuos, maldispostadad generala: „isolar“ enteifer la stanza da scola (senza far metter si mascra), ev. intensivar las mesiras da higiena, tener consequentamein las distanzas.
- Sclaras e scolars tochen e cun la 4. classa primara cun febra: star a casa, contactar il miedi da casa, recumandaziun da schar far il test davart SARS-CoV-2 → duei il miedi da casa decider ensemen culs geniturs.
- Sclaras e scolars dalla 5. classa primara ed ensi che han simtoms sco cunauras, inflammaziuns, tuos, maldispostadad generala: star a casa, contactar il miedi da casa, recumandaziun da schar far il test davart SARS-CoV-2 → duei il miedi da casa decider ensemen culs geniturs.
- Sclaras e scolars dalla 5. classa primara ed ensi cun febra: star a casa, contactar il miedi da casa, recumandaziun da schar far il test davart SARS-CoV-2 → duei il miedi da casa decider ensemen culs geniturs.

### Remarcas:

- Il survart ei vegniu discussiunau cun nies miedi da scola, sco era culla miedia dil cantun.
- Il tagl denter la 4. e 5. classa ei vegnius fatgs perquei che nossa situaziun ei quella che las scolaras ed ils scolars naven dalla 5. classa ensi van a scola el medem edificii.
- Il test davart SARS-CoV-2 sa (secapescha) era vegnir schaus far cun affons pli giuven, sche giavischau.
- Entras il fatg ch'ei vegn schau far il test davart SARS-CoV-2 san ils affons turnar el cass dad in test negativ pli spert anavos en scola, e munchentan cheutras pli pauc. In affon ch'ei malsaus stuess autramein star circa 10 dis a casa.
- Persunal da scola cun simtoms da malsogna stattan a casa, e van a schar far il test davart SARS-CoV-2. Duess ina pdi curdar ora per in, dus dis tochen ch'il resultat dil test ei avonmaun, vegn informau ils geniturs en mintga singul cass schebein l'instrucziun respectiva croda ni buc. Il medem vala secapescha el cass che ina pdi curdass ora per pli liung temps.
- Per damondas stat il miedi da scola, dr. med. Patric Maissen, bugen a Vossa disposiziun.



**Supplica:**

- El cass ch'in affon lai far il test davart SARS-CoV-2, supplichein nus Vus geniturs da comunicar **per mail** il resultat (aschibein il positiv sco era il negativ) alla pdi da classa. Quella communicaziun vegn silsunter tarmessa vinavon dalla pdi da classa allas ulteriuras pdi che instrueschan la classa da Vies affon. La medema informaziun retscheivan era eventualas persunas terapeutas.
- El cass ch'in affon survegn glisch verda dil miedi dad ir a scola senza ch'ei seigi vegniu fatg il test davart SARS-CoV-2, supplichein nus Vus geniturs da medemamein comunicar quei **per mail** alla pdi da classa. Era quella communicaziun vegn silsunter tarmessa vinavon dalla pdi da classa allas ulteriuras pdi che instrueschan la classa da Vies affon. La medema informaziun retscheivan era eventualas persunas terapeutas.

**Ulteriuras informaziuns davart il tema:**

<https://www.bag.admin.ch/bag/de/home/krankheiten/ausbrueche-epidemien-pandemien/aktuelle-ausbrueche-epidemien/novel-cov/isolation-und-quarantaene.html#866995284>

Salid cordial

F. Friberg, menader da scola